

# Генералин төрсөн газрт

Нернэ туурген, гражданск дээнэ герой, хальмг олон-амт-син нертэ урн Ока Иванович Городовиковиг мана таньгъчин күч-көлсчир ик байртагъар тосцхав. Эвраннь төрсөн газртан ирэд, отставкад баях генерел-полковник Ока Иванович Городовиков, зөвэр удан болчкв. Ока Иванович таньгъчд күцэгдджэх кергүдэр соньмсад, Элст балгъсиг халлагъад, „Лола“ гидг санаториг, Ленинэ нертэ колхозд, нань чигн газрмудт одв.

1957-ч джилин хавр. Хальмгин тег көк ногъагъар, олон зүсн цецгсэр кеерчкэн цагнь. Генерал-полковник Ока Иванович Городовиковиг дахдж йовх улснь: КПСС-н Хальмг таньгъчин комитетин сеглэтрмүд Сангаев Эриджан, Джимбинов Бембя, күч-көлсчирин Советин Хальмг таньгъчин күцэгч комитетин ахлач Утнасунов Дордж болн нань чигн кесг улс.

Суудж йовх нарни герлд, теегин хаалгъар гүүлддж йовх машид гилвклдэд йовцхана, арднь хоцрсн тооснь сунад цоонгдрж, сальк дахдж делснэ.

Бийэн дахсн улстагъан Ока Иванович „Лола“ гидг санаториг өрө болгъинь кедэд, үүнд амрчах улсла күүндэ кегъад, эмчирлэнь харгъад, амтнд хот өгдг газринь халлагъад, тиигэд, санаторт эн нег цөөкн частан баяв.

Төгөлнэгдэн баахн-баахн гермүд, зуг тедн дунд санаторин ах корпус, хойр давхр

ик гер дуньгана. Теегин номгын салькн цагъан таяхн цецгаста акация ур соньсхна, энүнд альмна чигн, кедмнэ чигн моддуд байцхэнэ. Агъар сенр унрар дуурнь. Номгын салькна учрар моддуд наяхлцхэнэ бучрнь делснэ, нарн герлтнэ.

Эн саамд таньгъчин газетин фоторепортер кесг дакдж зург цокчкв. „Өвгн“ генерал-полковникиг дахдж йовх улс, түүг тиигэд нерэдчкв. Тернэ чик. Эн мана күндтэ өвгн. Ока Иванович Городовиков дали долата. Энүнэ кесн күцэсн тоотнь—цуг мана төрсөнд чигн, мана хальмг келлэ амтст чигн ик ачта-туста. Багъчудт сургъмдж.

Гражданск дээнэ ветеран, Климент Ефремович Воршиловин, Семен Михайлович Буденнэ өөрхн нөкднь йовсн Ока Иванович Городовиков, урднь яльч, ода Советск генерал болсн, нертэ тиим ут сэн хаалгъта. Өвгн йир шогч. Нег зуур, зург цокджах саамд, эн иигдж келдженэ.

—Энтн зург цокдж чаддн кумб, аль угай?

Тиигхлэнь, төгөлдж йовсн амтс цугъарн шууглдад инэлдв.

Зөвэр ора болдж йовсн цаг. Амтс машидтэн ордж сууцхав. Эрг өддлэд гарсна хөө ардан халэхлэ, ора цагн унэртсн теегт, чилшго у теньгст холддж йовх кермет, тер санаторийин ах корпуснь, хоцрдж үлдв. Омнмд Элст балъсна галнь шатв.

ТЕЕГИН Д.